

REFERAT TAA - Teknikkeqarnermut Avatangiisinullu Ataatsimiititaq d. 28-11-2023

Mødedato Tirsdag d. 28. november 2023 kl. 17:00

Mødested Kommunalbestyrelsesip ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Qinigaaffiup sinneranut politikikkut ataatsimiiffissat.....	6
Kommunimut pilersaarummut tapiliussassatut siunnersuut 3E5-6 Nuuk Airport pillugu tamanut tusi	8
Kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk pillug	12
Kommunimut pilersaarummut tapiliussassatut 4A8-2 Ningitsivimmi inissiaqarfik, Nuuk, inaarutaas	15
2024-mi Paamiut pillugu tamakkiisumik pilersaarutip inaarutaasumik akuersissutigineqarnera.....	19
Nuup Saava nuannarisarput pillugu innuttaasunik akuutitsineq suliallu ingerlaqqinnissaa pillugu an	22
Nuummi bussinik utaqqisaarfiit.....	26
Suliffeqarfiit nunaminertamik atuinerat pillugu isumasioqatigiisitsinissamut siunnersuut.....	29
Lukket.....	32
Tamalaat.....	33
Imaqarniliap akuerineqarnera.....	34

Punkt .: Saqqaa

Ilaasortat:

Justus Hansen (D) *siulittaasoq*

Uju Petersen (IA)

Naya Pedersen Lyberth (IA)

Peter Davidsen (S)

Storm Ludvigsen

Beslutning

Ataatsimeeqataasut tamarmik najuupput.

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Nalunaaruteqanngilaq.

Punkt 1: Qinigaaffiup sinneranut politikikkut ataatsimiiffissat

Beslutning

Inassuteqaat akuersissutigineqarpoq.

Bilag

Qinigaaffiup sinneranut politikikkut ataatsimiiffissatut siunnersuutit

Qinigaaffiup sinneranut politikkikkut ataatsimiiffissat

Aalajangiiffigisassaq

SagsID: EMN-2023-04389

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Illoqarfimmik Ineriartortitsinermut Sanaartornermullu

inassuteqaatigaa:

- qinigaaffiup sinneranut politikkikkut ataatsimiiffissat akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Illoqarfimmik Ineriartortitsinermut Sanaartornermullu Ataatsimiititap marlungornikkut nal. 14.00. ataatsimiittarnissaa siunnersuutigineqarpoq. 2024-mi ileqquusumik ataatsimiinnerit arfineq marlut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

Qinigaaffiup sinneranut politikkikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut ilaalu ilanngullugit taakku naleqqussarneqarniassammata.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. Qinigaaffiup sinneranut politikkikkut ataatsimiiffissatut siunnersuutit

Punkt 2: Kommunimut pilersaarummut tapiliussassatut siunnersuut 3E5-6 Nuuk Airport pillugu tamanut tusarniaaneq

Beslutning

Inassuteqaat imatut oqaaseqaatitalerlugu akuersissutigineqarpoq: Ilanngussaq iluarsineqassaaq suliaq Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqinneqartinnagu.

Bilag

Kommunimut pilersaarummut tapiliussaq 3E5-6, Nuuk Airport pillugu siunnersuut



Kommunimut pilersaarummut tapiliussassatut 4A8-2 Ningitsivimmi inissiaqarfik, Nuuk, inaarutaasumik akuersissutigineqassasoq

Aalajangiiffigisassaq

SagsID.: EMN-2022-09549

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- Kommunimut pilersaarummut tapiliussassatut siunnersuut 4A8-2 Ningitsivimmi inissiaqarfik, Nuuk, akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 4A8-2 Ningitsivik, Nuuk matumuuna saqqummiunneqarpoq. Kommunimut pilersaarummut tapiliussaq 4A8-2 Ningitsivik Nuuk siunnersuutitut sapaatit-akunnerini arfineq-pingasuni tamanut tusarniaassutigineqarpoq, piffissami 2023-mi aggustip ulluisa 30-anniit oktobarip ulluisa 25-ata tungaanut. Tusarniaanermut killiliussap iluani akissutinik tigusaqartoqanngilaq.

Kommunimut pilersaarummut tapiliussaq 4A8-1-mut iluarsisutaavoq, immikkoortullu ilaani inissianik amerlanerusunut sanaartornissamat pingaarnertut periarfissiinissaq kiisalu nunami inissisimanerat pissusissamisoornersoq sanaartorfissagissaanerlu naammassilersoq najoqqutarineqarnersoq qulakkeerumallugu sanaartorfissat pioreersut inissisimaneranik nalilersuinissaq pingaarnertut siunertarineqarput.

Immikkoortup ilaa Qinnigutsinni inissisimavoq, sanaartorfineqarnikuunanilu. Kommunimut pilersaarutissatut siunnersuummi aalajangersarneqarpoq, immikkoortup ilaa 4A8-2 inissiaqarfissatut atorneqassasoq (A), ilaqutariillu ataatsit illuinik illullu affarleriikkaanik quleriinnillu illuliornernermut (A4) inissaqarpoq.

Matumani kommunimut pilersaarummut tapiliussami sanaartorfissiat 43-t inissialiornissamat atugassanngortinneqassapput. Immikkuualuttumi 3-mi sanaartorfissat pingasut inissianut nalinginnaasunut atugassiaassapput.

Najugaqarfik immikkoortup atorneqarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq.



Sanaartukkat

Immikkoortup ilaani 4A8-mi sanaartorfissiat atugassanngortinneqarput inissialiassat tamarmik kangerlummut isikkiveqarnissaat eqqarsaatigalugu. Inissiat qaqqap innaarsuunerata ilusaa malittarissavaat, sumiiffiullu nunataata sivinganerata sanaartukkat portussusaat quleriit 1-3-t ilutigalugit inissianut nutaanut isikkivik pitsaasoq seqinermullu nuisasarnera qularnaassavai. Sanaartornissamut pilersaarummi sanaartorfiunngitsutut uninngatitat periarfissanngornerisa illoqarfimmi nunaannaat ilorrisimaarfissat, siunissamilu sinersilluni aqutissaqalernissamut najugaqarfinnut sanilerisanut ingerlaarsinnaangornissamut qaninnerulernissamullu periarfissat pilersissavaat.

Sanaartorfissat

Immikkoortup ilaani 4A8-mi sanaartorfissat 42-t atugassanngortinneqassapput, tulliuttumi erseqqinnerusumik nassuiarneqartut:

1-19: ilaqtariinnut ataasiakkaanut atugassiaapput, quleriit 1,5-iunissaat periarfissaalluni.

20-26: illunut sanileerriaannut atugassiaapput, marlunnik quleriinngorlugit sanaartorneqarsinnaasut.

27-43: quleriiaannik inissianut atugassiaapput, pingasunik quleriinnik sanaartorneqarsinnaasut.

Angallannermut tunngasut / aqquserngit aqqusineeqqallu

Sumiiffimmi aqqusiniliortoqarpoq, immikkoortup ilaanik 4A8-p Aqqusineq Dronning Margrethe II-mut aamma Qinngutta sinneranut atassusiisumik. Sumiiffimmi aqqusineq inissianut aqqusinernut sisamanut atassuteqarpoq. Saniatigut immikkoortup ilaani aqqusinniornissamut perisarfissaqarpoq.

Kommunimut pilersaarummut tapiliussap 4A8-2-p Ningitsivimmiittup Nuummi matuma akuersissutigineqarnerani kommunimut pilersaarummut tapiliussaq 4A8-1 Ningitsivik Nuuk atorunnaassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu ingerlatsivimmi suliffiit pingajorarterutaannik tigusivoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarut digitaliusoq www.kp.sermersooq.gl



Ilanngussat

1. Kommunimut pilersaarummut tapiliussatut 4A8-2, Ningitsivimmi inissiaqarfik, Nuuk

Punkt 3: Kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk pillugu tamanut tusarniaaneq

Beslutning


Inassuteqaat akuersissutigineqarpoq.

Bilag

Kommunimut pilersaarummut tapiliussatut siunnersuut 4A3-1, Ningitsivik Kujalleq



KOMMUNIMUT PILERSAARUMMUT TAPILIUSSAQ



SIUNNERSUUTIP TUSARNIUTIGINEQARNERA

1. IISA
2. AIA

AKUERSISSUTIGINNINNEQ

1. IISA
2. AIA
3. KB



Kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk pillugu tamanut tusarniaaneq

Aalajangiiffigisassaq

SagsID: EMN-2023-01301

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- ingerlatsivimmit kommunimut pilersaarummut tapiliussatut siunnersuut 4A3-1 Ningitsivik Kujalleq sapaatip-akunnerini arfineq-pingasuni tusarniaassutigineqarnissaa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk, matumuuna saqqummiunneqarpoq.

Immikkuualuttoq 4A3 Nuup illoqarfiata ilaata kangiatungaani Qinngutsinni inissisimavoq. Immikkoortoq ullumikkut qitiusoqarfittut atorneqarpoq. Kommunimut pilersaarummut tapiliussassami matumani immikkoortup atorneqarnissaa inissiaqarfimmut allanngortinneqarpoq akuleriinnik inissialiorfissatut, tassani illut uiguleriiaat kiisalu quleriit.

Matumani Kommunimut pilersaarummut tapiliussaq suliarineqarpoq sanaartornissamik qinnuteqaat Inissianik ineriartortitsinissamat siunnersuut Ningitsivik tunngavigalugu, ulloq 22. februaari 2022 Kommunalbestyrelsimut inaarutaasumik akuerineqartoq.

Immikkuualuttut pingasut atugassiissutigineqarput. Immikkuualuttoq A akulikitsunik pukkitsunik inissianik sanaartorfissatut sisamat atugassiissutigineqarput, marlunnik quleriillit tikissinnaallugit. Immikkuualuttoq B-mi sanaartorfissat arfinillit quleriit sisamat tikillugit portussusilinnik inissialiornissamat immikkoortitsisoqarput. Immikkoortup ilaa C sanaartorfussanngilaq.

Pilersaarummut ilanngullugu immikkoortoq akimorlugu aqqusineqqanik pilersitsisoqassaaq kiisalu sissaq sinerlugu aqqusineqassalluni. Silami sukisaarsaartarfiit amerlanerusut pilersinneqassapputtaaq, tassunga ilanngullugit pinnguartaarfiit, uninngaartaarfiit ilaallu ilanngullugit.

Siunnersuut sapaatip-akunnerini arfineq-pingasuni tamanut tusarniaassutigineqassaaq.



Matumani Kommunimut pilersaarummut tapiliussassatut siunnersuutip 4A3-1 akuersissutigineqarneratigut kommunimut pilersaarummut tapiliussaq 4C3-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut una pilersaarummik piginnittumit suliarineqarpoq. Ingerlatsivimmit pitsaassutsimik qulakkeerinninneq, siunnersiueqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisaa nr. 34, 9. december 2015-imeersoq
- [Kommunimut pilersaarut digitaliusoq www.kp.sermersooq.gl](http://www.kp.sermersooq.gl)

Ilanngussat

1. Kommunimut pilersaarummut tapiliussatut siunnersuut 4A3-1, Ningitsivik Kujalleq

Punkt 4: Kommunimut pilersaarummut tapiliussassatut 4A8-2 Ningitsivimmi inissiaqarfik, Nuuk, inaarutaasumik akuersissutigineqassasoq

Beslutning

Inassuteqaat akuersissutigineqarpoq.

Bilag

4A8-2_3_KPT_KAL.pdf



Kommunimut pilersaarummut tapiliussassatut 4A8-2 Ningitsivimmi inissiaqarfik, Nuuk, inaarutaasumik akuersissutigineqassasoq

Aalajangiiffigisassaq

SagsID.: EMN-2022-09549

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- Kommunimut pilersaarummut tapiliussassatut siunnersuut 4A8-2 Ningitsivimmi inissiaqarfik, Nuuk, akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 4A8-2 Ningitsivik, Nuuk matumuuna saqqummiunneqarpoq. Kommunimut pilersaarummut tapiliussaq 4A8-2 Ningitsivik Nuuk siunnersuutitut sapaatit-akunnerini arfineq-pingasuni tamanut tusarniaassutigineqarpoq, piffissami 2023-mi aggustip ulluisa 30-anniit oktobarip ulluisa 25-ata tungaanut. Tusarniaanermut killiliussap iluani akissutinik tigusaqartoqanngilaq.

Kommunimut pilersaarummut tapiliussaq 4A8-1-mut iluarsisutaavoq, immikkoortullu ilaani inissianik amerlanerusunut sanaartornissamat pingaarnertut periarfissiinissaq kiisalu nunami inissisimanerat pissusissamisoornerseq sanaartorfissagissaanerlu naammassilersoq najoqqutarineqarnerseq qulakkeerumallugu sanaartorfissat pioreersut inissisimaneranik nalilersuinissaq pingaarnertut siunertarineqarput.

Immikkoortup ilaa Qinnigutsinni inissisimavoq, sanaartorfineqarnikuunanilu. Kommunimut pilersaarutissatut siunnersuummi aalajangersarneqarpoq, immikkoortup ilaa 4A8-2 inissiaqarfissatut atorneqassasoq (A), ilaqutariillu ataatsit illuinik illullu affarleriikkaanik quleriinnillu illuliornernermut (A4) inissaqarpoq.

Matumani kommunimut pilersaarummut tapiliussami sanaartorfissiat 43-t inissialiornissamat atugassanngortinneqassapput. Immikkuualuttumi 3-mi sanaartorfissat pingasut inissianut nalinginnaasunut atugassiaassapput.

Najugaqarfik immikkoortup atorneqarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq.



Sanaartukkat

Immikkoortup ilaani 4A8-mi sanaartorfissiat atugassanngortinneqarput inissialiassat tamarmik kangerlummut isikkiveqarnissaat eqqarsaatigalugu. Inissiat qaqqap innaarsuunerata ilusaa malittarissavaat, sumiiffiullu nunataata sivinganerata sanaartukkat portussusaat quleriit ataatsit pingasullu akornanniittut ilutigalugit inissianut nutaanut isikkivik pitsaasoq seqinermullu nuisasarnera qularnaassavai. Sanaartornissamut pilersaarummi sanaartorfiunngitsutut uninngatitat periarfissanngornerisa illoqarfimmi nunaannaat ilorrisimaarfissat, siunissamilu sinersilluni aqutissaqalernissamut najugaqarfinnut sanilerisanut ingerlaarsinnaanngornissamut qaninnerulernissamullu periarfissat pilersissavaat.

Sanaartorfissat

Immikkoortup ilaani 4A8-mi sanaartorfissat 42-t atugassanngortinneqassapput, tulliuttumi erseqqinnerusumik nassuiarneqartut:

1-19: ilaqutariinnut ataasiakkaanut atugassiaapput, quleriit 1,5-iunissaat periarfissaalluni.

20-26: illunut sanileeriaannut atugassiaapput, marlunnik quleriinngorlugit sanaartorneqarsinnaasut.

27-43: quleriiaannik inissianut atugassiaapput, pingasunik quleriinnik sanaartorneqarsinnaasut.

Angallannermut tunngasut / aqquserngit aqqusineeqqallu

Sumiiffimmi aqqusiniliortoqarpoq, immikkoortup ilaanik 4A8-p Aqqusineq Dronning Margrethe II-mut aamma Qinngutta sinneranut atassusiisumik. Sumiiffimmi aqqusineq inissianut aqqusinernut sisamanut atassuteqarpoq. Saniatigut immikkoortup ilaani aqqusinniornissamut perisarfissaqarpoq.

Kommunitum pilersaarummut tapiliussap 4A8-2-p Ningitsivimmiittup Nuummi matuma akuersissutigineqarnerani kommunimut pilersaarummut tapiliussa 4A8-1 Ningitsivik Nuuk atorunnaassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunitum pilersaarummut tapiliussamik suliaqarnissami ukioq naallugu ingerlatsivimmi suliffiit pingajorarterutaannik tigusivoq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Kommunitum pilersaarut digitaliusoq www.kp.sermersooq.gl



Ilanngussat

1. Kommunimut pilersaarummut tapiliussatut 4A8-2, Ningitsivimmi inissiaqarfik, Nuuk

Punkt 5: 2024-mi Paamiut pillugu tamakkiisumik pilersaarutip inaarutaasumik akuersissutigineqarnera

Beslutning

Inassuteqaat imatut oqaaseqaatitalerlugu akuersissutigineqarpoq: Ataatsimiititamit kissaatigineqarpoq bussinik ingerlatsinerup iluani kommunimi sumiinneq apeqqutaatinnagu akisussaaffinnik agguataarinermi assigiimmik pinnittoqassasoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

2024-mut Paamiut pillugu tamakkiisumik pilersaarut pillugu siunnersuut

Paamiuni innuttaasunik soqutigisaqaqatigiinnillu ataatsimiisitsinermi suliniutissatut kissaatit suliarineri



2024-mi Paamiut pillugu tamakkiisumik pilersaarutip inaarutaasumik akuersissutigineqarnera

Aalajangiiffigisassaq

SagsID.: EMN-2023-00639

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- 2024-mi Paamiut pillugu tamakkiisumik pilersaarut akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliamik saqqummiineq

2024-mi Paamiut pillugu tamakkiisumik pilersaarut siunnersuutitut sapaatip-akunnerini arfineq-pingasuni tamanut, piffissami 23. aggustimiit – 18. oktobari 2023-mut tusarniaassutigineqarpoq. Piffissami tusarniaaffiusumi tusarniaanermut akissutit ataaseq tiguneqarput, taannalu oqaaseqatigiinnik tunngaviumilluunniit allannguuteqartissanngilaq.

Paamiut pillugit 2024-mut Tamakkiisumik Pilersaarummi illoqarfiup qanoq ineriartortinnissaata illoqarfiup pitsaaqutai, unammillernartui, isumalluutai, periarfissai siunissamilu kissaatit ukkatarineqarput. Takornialerineri inuussutissarsiornermiluunniit periarfissat uani pilersaarummi allaaserineqarnissaat siunertaanngilaq, illoqarfimmili ulluinnarni inuuneq illoqarfimmilu uummarissuutitsineq qitiutinneqarlutik.

Tamakkiisumik pilersaarummi anguniarneqarput siunissami pilersaarusiortarnissamut siunissamut ungasinnerusumik isigisumik ataatsimoorussamillu isiginnittumut anguniagaapput, aammali suliniutissat tigussaanagerusut ukiuni tulluittuni piviusunngortinneqartussanut naatsorsuutigineqartunut.

Tigussaasumik suliniutit immikkoortunut arfinilinni ukuusuni nassuiaatigineqarput:

- Illoqarfimmi attaveqaatini ukkatarineqarput attaveqaasersuutini siuarsaanissaq illoqarfimmilu pisuinnarnut aqcutit pitsaanerulersinneqarnissaat
- Aqcutit siunertaraat illoqarfimmik misigisassarsiornermi annerusumik ataqatigiissitsineq kiisalu illoqarfimmik eqqaanilu pinngortitamik naapitsinermik ataqatigiissitsisumik
- Illoqarfiup qeqqa uummaarissoq aqqusinernut tamaani appakaaffinnut biilnnullu inissiisarfinnut ataatsimuulersitsissaaq ulluinnarni uninngaarnissamut pinnguarnissamullu kajuminnarluni
- Illoqarfimmi parki ataatsimoortarfissaq illoqarfimmi parkimik nukittorsaataaassaaq ulluinnarni issiaartarfinngorlugu annertuunillu pisoqassatillugu katersuuttarfinngorlugu
- Sunngiffik sammisassallu allat eqqarsaatigalugit silami meeqqanut inuusuttunullu sammisassanik pilersitsinermut ukkatarineqassaaq
- Saliineq ingitsigassallu eqqarsaatigalugit pigisanik qimaannakkanik illunillu ingitsigassanik suliaqarneq ukkatarineqassaaq

Suliniutit ukiuni sisamani aggersuni missingersuutini ukiumut 3 millioner koruunit atorlugit anguneqarnissaat naatsorsuutigineqarpoq. 2023-mut Missingersuutini akuerisani 2023-miit 2026-mut sanaartugassanut missingersuutini ukiumut 3 millioner koruunit 2024-mut, 2025-mut 2026-mullu tamakkiisumik pilersaarutip piviusunngortinnissaanut immikkoortinneqarput.



Innuttaasunik peqataatitsineq

Tamakkiisumik pilersaarummik marsi 2023-mi suliaqarnermi Paamiuni suliaqartut peqatigalugit innuttaasunik peqataatitsiniarluni arlalinnik ataatsimiisitsisoqarpoq, matumani Najukkami ataatsimiisitaliaq, Inuussutissarsiornermut siunnersuisoqatigiit, Aalisartut Piniartullu Peqatigiiffiat PAPP, Paamiut Katersugaasiviat, Illu sannavik aamma Majoriaq peqataasoralugit. Tusarniaanerup nalaani tamanut ataatsimiisitsisoqarlunilu workshoppertitsisoqarpoq tassunga innuttaasut 40-t missaanniittut takkupput.

Peqataatitsinerup siunertaraa Paamiuni innuttaasut tamakkiisumik pilersaarummut ingerlataqalerlutillu piginneqataanissaat. Ataatsimiisitsinerni tamani tamakkiisumik pilersaarummut pingaaruteqartunik paasissutissanik, isummanik kissaatinillu tunniussuisoqarpoq, taakku nalunaarsuinernut ilaatillugit tamakkiisumik pilersaarutip siunertaanut tassungalu suliniuteqarfissanut tunngavissiisimapput.

Ataatsimiisitsinermi Paamiut siunissami ineriartortinnissaanut siunnersuutit katillugit 152-it tunniunneqarsimapput, taakkunanga siunnersuutit 46-t tamakkiisumik pilersaarummut ilaasussatut akuerineqarlutik. Suliniutitut kissaatit ilanngussaq 2-mi allaaserineqarput.

2024-mi Paamiut pillugu Tamakkiisumik pilersaarutip matuma akuersissutigineqarnerani 2018-imi Paamiut pillugu Tamakkiisumik pilersaarut atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Tamakkiisumik pilersaarummik suliaqarnissami ukioq naallugu suliffiit 1/2 pisariaqartinneqassasut pilersaarusiornermut immikkoortortamit nalilerneqarpoq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. 2024-mut Paamiut pillugu tamakkiisumik pilersaarut pillugu siunnersuut
4. Paamiuni innuttaasunik soqutigisaqatigiinnillu ataatsimiisitsinermi suliniutissatut kissaatit suliarineri

Punkt 6: Nuup Saava nuannarisarput pillugu innuttaasunik akuutitsineq suliallu ingerlaqqinnissaa pillugu angusat

Beslutning

Inassuteqaat akuersissutigineqarpoq.

Bilag

Nuup Saava pillugu najoqqutassaq - Akuutitsinerup ingerlanneqarneranit angusat

Immikkoortoq unammisitsinermut tunngasup killeqarfilersornera

Pilersaarutitut qinnuteqaat Orsiivik pillugu suliasamik saqqummiussineq



Nuup Saava nuannarisarput pillugu innuttaasunik akuutitsineq suliallu ingerlaqqinnissaa pillugu angusat

Aalajangiiffigisassaq

SagsID.: EMN-2022-08054

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- Nuup Saava nuannarisarput pillugu innuttaasunik akuutitsineq pillugu angusat tusaatissatut tiguneqassasoq
- suleriaqqinnissamut siunnersuut akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissannngorlugu ingerlateqqinneqassasoq

Suliassamik saqqummiussineq

Nuup Saava nuannarisarput pillugu innuttaasunik akuutitsinermi inernerusut kiisalu suliaq ingerlariaqqinnissaa pillugu siunnersuut Sanarfinermut Avatangiisinullu Ingerlatsivimmit matumuuna saqqummiunneqarput.

Innuttaasunik akuutitsinerup tunuliaqutaa

Nuup Saavata eqqaani sumiiffik aamma/imaluunniit Nuutoqqamik taaneqartartoq, oqaluttuarisaanitta ilarujussuanik imaqarpoq, Nuummi takornarianit suli amerliartortunit orninneqassalluni nuannarineqartoq najugaqartuniillu amerlasuunit ullut tamaasa atorneqartarpoq. Sumiiffik inoqartuaannangajaavippoq ukiumoortumillu kulturikkut pisimasoqarfiusarpoq, apummik ilusilersuineq inuiatullu ullorsiorneq ilanngullugit.

Ukiuni kingullerni marlunni Orsiiviup eqqaani immikkoortumi sanaartorfiusussaannngitsumi pilersaarutit qinnuteqaatit arlallit tiguneqarput. Tusarniaanerp ingelanneqarneranut atatillugu tusarniaanermut akissuteqaatit arlallit aamma atsiornernik katersinerit tiguneqartarsimapput, innuttaasut pilersaarutit siunnersuutigineqartut pillugit naammagittaalliornerannik imallit. Isornartorsiunerit illut annertussusiinut, inissisimaffiinut illuliortaatsikkullu isikkumut tunngassuteqarput. Aammattaarli immikkoortup isikkumisut iinnarnissaanik kissaateqartoqartarpoq, immikkoortoq biilerfiussannngitsoq immikkoortorlu sukisaarsarfittut anersaartorfittullu atorneqassasoq. Tamatuma saniatigut immikkoortoq eqqissisimatinneqartut naatsorsuutigineqartarsimavoq.

Kommunalbestyrelsip ulloq 30.08.2022-mi ataatsimiinnerani immikkoortup Orsiiviup nalaani pilersaarutit siunnersuut politikikkut akuersissutigineqarpoq innuttaasunillu akuutitsineq aallartinneqarpoq paasiumallugu immikkoortup sumut atorneqarnissaa isumaqarfigneqarnersoq. Ingerlatsiviup innuttaasunik akuutitsinermik aallartitsinermi annertuumi suliffeqarfik Inuva suleqatiginiarlugu isumaqatigiissuteqarfivaa.

Akuutitsinerup ineriartortinneqarnera

Akuutitsineq ingelanneqarpoq 2023-mi januaarimiit 2023-mi juulip tungaanut imatullu agguataarsimavoq:

1. Immikkoortumi najugalinnik inuussutissarsiuqartunillu apersuinerit
2. Kommuneqarfiga aqqutigalugu apeqqutinut akisassanut immersuiffik tamanit pineqarsinnaasoq
- 3.



Nuup Saavani (Nuutoqqami katersugaasivik) meeqqat pinngorartitsillutik isumassarsiortinneqarnerannik workshoppeqartitsineq

4. Kommunalbestyrelsisip immikkut sammisaqarnera
5. Innuttaasunut siammasissumik nittarsaassineq qulequtaqarluni immikkuualuttunik sammisaqarneq innuttaasunillu ataatsimiititsineq
6. Sammisaq pillugu eqimattat apersorneqarnerat
7. Nuup Saavani Nuutoqqami katersugaasiviup saavani innuttaasunik akuutitsinerup inernerinik saqqummersitsineq

Akuutitsinerup inenera

Akuutitsiniaaneq ataatsimut isigalugu inernerata takutippaa, immikkoortup sukisaarsarfittut annersaartorfissatullu Nuummi innuttaasunit annerusumik kissaatigineqartoq, tamanna eqqumiitsuliornikkut kulturikkulu pisunik periarfissaqartillugu. Aammattaaq silami nunaminertat sanaartukkanut tulluussarlugit immikkoortumilu sammineqartussanut naleqqussarnerullugit iluarsaanneqarnissaat kissaatigineqarpoq.

Ingerlatsiviup innersuussutaa

Innuttaasunik tamanik akuutitsinermit uigiullugu ingerlatsiviup innersuussutigivaa, Nuup Saavata ataatsimoortumik pilersaarusiortneranut isumassarsianik ammasumik unammisitsisoqassasoq, tassani kikkut tamarmik immikkoortup qanoq aaqqiivigineqarnissaa pillugu siunnersuuteqarsinnaatillugit. Innuttaasunik akuutitsineq tassanngalu inernerusut unammisitsinissamat tunngaviussapput.

Immikkoortut pingaartinneqartut unammisitsinermit ilanngullugit

Innuttaasunik akuutitsinermit inernerusut tunngavigalugit immikkoortut pingaartinneqartut pingaartinneqartut unammisitsinermit ilanngunneqartussat.

- Oqaluttuarisaanerup ilisarnaataa pitsaassuserlu: Immikkoortup inerisarneqarnera sumiiffiup oqaluttuarisaanermit ilisarnaatai ataqqillugit pissaaq aamma illuliortaaseq qaffasissumik pitsaassuseqartinneqarluni
- Atortulersuutit attaveqaatillu: Sumiiffimmut sumiiffimiillu attaveqaatit pitsaanerulersinneqassapput. Immikkoortup biilerfigineqannginnissaa erseqqissarneqassaaq biilerfiunnginneranullu killeqarfia tikitsinnagu biilnut uninngasarfissatut periarfissat isumagineqassapput
- Kulturikkut pinngorartitsinermillu misigisassat: Kulturimut tunngasut pinngorartitsinerillu amerlanerusut Nuup Saavanik pitsaanerulersitsissaaq tamannalu kikkunnut tamanut anersaartorfiulluni iluaqutaassaaq
- Ataatsimoorfiit: Nuup Saava ulluinnarni naapittarfiunissaminut kiisalu pisimasunut ataatsimoorfiusinnaasunut tunngaviliisuussaaq
- Imminut attanneqarsinnaasumik ineriartortitsineq: Nuup Saavata inerisarneqarnerani sutigit tamatigit imminut attanneqarsinnaasunik suliniutit ilaatinneqartassapput

Immikkoortoq unammisitsinermit killeqarfiusoq

Ingerlatsiviup immikkoortumik unammisitsinissami killeqarfiussassatut siunnersuutaa ilanngussaq 2-miippoq, tamannali unammisitsinissamat atortunik suliaqarnermit atatillugu allannguuteqarsinnaasoq sillimaffigeqquneqarpoq. Nuup Saava pillugu ataatsimoortumik pilersaarut ataatsimoortillugu immikkoortut toqqarneqartut ilanngullugit suliareqassaaq.



Piffissaliussaq missingersuutillu

Ingerlatsivimmit unammisitsineq ukiup ataatsip ingerlanerani naammassineqarsinnaasoq naatsorsuutigineqarpoq. Unammisitsinissamut tunngasunik suliaqarnissaq qaammatini arfinilinni pissasoq naatsorsuutigineqarpoq naliliisussanillu arlaannaannulluunniit attuumassuteqanngitsunik pilersitsinissaq ilanngullugu; aamma qaammatit arfinillit atorlugit unammisitsinermut siunnersuutinik nalilersuisarnissamut naggataatigullu isumassarsiat pillugit unammisitsinermi ajugaasoq toqqarneqassaaq.

Unammisitsinermut missingersuutissat 1 million kr.-nik naleqassasoq naatsorsuutigineqarpoq. Taakku unammisitsinissamut atorussat qanoq ilusilersorneqarnissaannut siunnersorteqarnermut, arlaannaannulluunniit attuumassuteqanngitsunik naliliisussanik akissarsiasanullu atorneqassapput. Ingerlatsivimmit misissorneqassaaq aningaasaateqarfiit suliniut pillugu qinnuteqarfigineqarsinnaanersut.

Ingerlatsivimmit aningaasatigut sulisoqarnikkullu naliliinerit

Ingerlatsivimmiit naatsorsuutigineqarpoq isumassarsiat pillugit unammisitsineq 1 million kr.-it missiliorlugit naleqassasoq.

Ingerlatsivimmit oqaatigineqarpoq isumassarsianik unammisitsineq taassumalu annertussusia sulisup ataatsip ukiumi ataatsimi sulineratut naleqassasoq.

Suliffeqarfimmut Kiffartuussivimmit aningaasatigut naliliineq

Oqaaseqaateqartitsisoqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Ilanngussat

1. Nuup Saava pillugu najoqqutassaq - Akuutitsinerup ingerlanneqarneranit angusat
2. Immikkoortoq unammisitsinermut tunngasup killeqarfilersornera
3. Pilersaarutitut qinnuteqaat Orsiivik pillugu suliasamik saqqummiussineq

Punkt 7: Nuummi bussinik utaqqisaarfiit

Beslutning

Suliaq ingerlatsivimmut utertinneqassaaq, Nuup Bussiinik oqaloqatiginninnermik ingerlatseqquneqassapput bussit utaqqisarfiisa ingerlanneqarnerini allatut iluarsiinissaq pillugu.

Bilag

Nuummi bussinik utaqqisaarfiit

Suliassamik saqqummiussineq, Nuummi bussit unittarfiini utaqqisarfiit, 2020

Nuummi bussinik utaqqisaarfiit

Aalajangiiffigisassaq

SagsID.: ANL-2020-00021

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- immikkoortoq aalajangiiffigisassaq Nuummi bussinik utaqqisaarfiit akuersissutigineqassasoq taamaalillunilu Nuummi bussinik utaqqisarfinnik nutarterinissamik pilersaarut akuerineqarluni
- suliaq Aningaasaqarnermut Inuusutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

2020-mi Bussinik utaqqisaarfiit nutaat pillugit pilersaarut aallartinneqarpoq. Pilersaarummi illoqarfimmi bussinik utaqqisarfinni pioreersuni ajornartorsiutit erseqqissaatigineqarput, pioreersullu taartissaannik pisinissamut nalilersuutit aalajangersaaffigineqarlutik. Ajornartorsiutaasut ilagaat qullilersugaannginnerat, aserorteriffiusarnerat, bussertitsisut utaqqisoqarneranik arajutsisarnerat aammalu eqqiarneqarneq ajornerat.

Pilersaarutip inernerivaa bussinik utaqqisarfinni arfinilinnik assigiinngitsunik marlunnik pisisoqarnera ukiuni marlunni misiligutitut atugassanik, issittumi silap qanoq inneranut naleqquttuunersut misiligutiginiarlugit. Pilersaarut pillugu suliassamik saqqummiussissut Bussinik utaqqisaarfiit nutaat ilanngussatut ilanngunneqarpoq.

Nuummi Businik utaqqisaarfiit pillugit ilanngussami, bussinik utaqqisaarfiit misiligutitut pisiarinqarsimasut killiffissiorneqareerput. Bussinik utaqqisaarfiit pisiarinqartut bussinik ingerlatsisunut iluaqutaapput ilaaniarlutik utaqqisut takusinnaasaramikkit eqqiaruminarneruppullu. Akerlianilli bussinik utaqqisaarfiit nutaat aserorteriffigineqarnerusarput, aserfallatsaalineri akisullutik, sulil qullilersugaanngillat aammalu bussinik utaqqisut naammattumik anorimut oqquffissaqanngillat.

Tamatuma kingunerisaanik saqqummiussissummi matumani ingerlatsiviup siunnersuutigaa, bussinik utaqqisaarfiit pisoqqat pitsanngorsarneqassasut aserfallatsaalineqarnissaannullu pilersaarusiortoqassasoq sivisuumik atasinnaanissaat anguniarlugu. Aammattaaq bussinik utaqqisaarfiit misileraatitut pisiarinqarsimasut nutaamik ilusilersornissaannut pilersaarutit saqqummiunneqarput issittumi silamut naleqqussarlugit ilaatigut iigaani atortut taarsersornerisigut. Ilaatigut silataannik taarsersuinikkut.

Siunnersuutip uuma akuerineqarneratigut suliassap titartagartaa suliarinqarsinnaanngussaaq bussinillu utaqqisarfinnik iluarsaassinissamut neqeroorusiortitsisoqassalluni. Ilinniartoqarfimmi isumaginninnermiluunniit perorsaani sulinuteqartartunik suleqatissarsiortoqarsinnaanersoq ingerlatsivimmi periarfissarsiortoqarniarpoq. Aammattaaq kommunip materialegårdianiit suliarinqartarsinnaanersut misissorneqassaaq.

Bussinik utaqqisaarfiit tamaasa eqqarsaatigalugit ingerlatsivimmit siunnersuutigineqarpoq, qullernik LED-nik aalariartoqarneranik malussajasunik pisisoqassasoq ikkussuisoqassasorlu. Pilersaarummi matumani periarfissat marluk saqqummiunneqarput atortussanik pisinissamut

tunngasut ilanngussaq 1-imi saqqummiunneqarput. Siunnersuutip matuma akuerineqarneratigut suliap ingerlateqqinneqarnissaanut tunngasoq ingerlatsivimmit ingerlateqqinneqassaaq, qullit atortuinut tunngasunik ilaalu ilanngullugit neqeroortitsisoqarluni.

Matumani aalajangiisoqarpat aalajangerneqassaaq, bussinik utaqqisarfiit pioreersut nutarterneqarnissaannut kiisalu tassunga tunngasunik neqeroortitsineq ingerlatsivimmit ingerlateqqinneqarnissaanut tunngasoq. Tamakkiisumik aserfallatsaaliinermut pilersaarummut aningaasartassaanut qinnuteqaasiornissap immikkut suliarineqarnissaa naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Sanaartornermut immikkoortortaqruiup missiliuutitut naatsorsuusiornernani takuneqarsinnaavoq iluarsaannerat aammalu bussinik utaqqisarfinni qullilersuineq 45.000 kr.-it missaannik bussinik utaqqisarfirmut ataatsimut akeqassangatinneqartoq – ataatsimut katillugit 1.600.000 kr.-it.

Bussinik utaqqisarfinnik aserfallatsaaliinissaq Sanarfinermut Avatangiisinullu Ingerlatsivimmi Ingerlatsinermut immikkoortortami missingersuusiorneqanngimmat, nutarterinissaq immikkut missingersuusiorneqassaaq.

Suliffeqarfimmu Kiffartuussivimmit aningaasatigut naliliineq

Aaqqissuussamik pilersaarusiornermut Misissueqqissaarnermillu oqaaseqaatit

Missingersuutitigut naatsorsuineq sanaartugassanut/ingerlatsinermut missingersuutit iluani suliarineqarsinnaappat Aaqqissuussamik pilersaarusiornermut Misissueqqissaarnermillu nassiussanut oqaaseqaatissaqanngilaq.

Missingersuutaareersup iluani suliarineqarsinnaanngippat immikkut ittumik qinnutigineqaqqaassapput, Kommunalbestyrelsimit 2024-mut missingersuutit akuersissutigineqaqqammermata.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Nuummi bussinik utaqqisaarfiit
2. Suliassamik saqqummiussineq, Nuummi bussit unittarfiini utaqqisarfiit, 2020

Punkt 8: Suliffeqarfiit nunaminertamik atuinerat pillugu isumasioqatigiisitsinissamut siunnersuut

Beslutning

Siunnersuut akuersissutigineqarpoq ingerlatsivillu qinnuigineqarpoq 2024-mi kvartalimi siullermi isumasioqatigiinnermik ingerlatseqqullugu, suliffeqarfiit ataatsimiititalu peqataaffigisassaannik.

Suliffeqarfiit nunaminertamik atuinerat pillugu isumasioqatigiisitsinissamut siunnersuut

Ataatsimiititami ilaasortap Peter Davidsenip (S) Illoqarfimmik Ineriartortitsinermut Sanaartornermullu Ataatsimiititamut siunnersuutaa

Aalajangiiffigisassaq
SagsID.: EMN-2023-02703

Inassuteqaat

Ataatsimiititami ilaasortap Peter Davidsenip (S) Illoqarfimmik Ineriartortitsinermut Sanaartornermullu Ataatsimiititamut inassuteqaatigaa:

- siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Ataatsimiititami ilaasortap Peter Davidsen (S) ulloq 7. novembari 2023-mi Illoqarfimmik Ineriartortitsinermut Sanaartornermullu Ataatsimiititamut aalajangiiffigisassatut siunnersuummik nassiussivoq.

Ataatsimiititami ilaasortap Peter Davidsenip (S) kissaatigaa suliffeqarfiit nunaminertamik atuinerat pillugu isumasioqatigiisitsisoqarnissaanut periarfissat Illoqarfimmik Ineriartortitsinermut Sanaartornermullu Ataatsimiititamit eqqartorneqassasut.

Tunngavilersuut:

Qallunaatuunngortinneqarnera Kommuneqarfik Sermersooq:

”Oqaloqateqartarnikkut ilisimavara suliffeqarfiit nunaminertamik atuinissamik amigaateqartut aamma atuiniarlutik kommunemut saaffiginninnermi sivisuallaamik akineqarneq ajortarsimaneq maalaarutigisarpaat pitsaanerumillu paaseqatigiiffiunerusumik suleqatigiinnissaq kissaatigisarlugu.

Taasakka tunngavigalugit pisariaqarsoraara suliffeqarfiit peqatigalugu nunaminertamik atuinermi isumasioqatigiinneq ingerlanneqassasoq.

Siunertaraara atuisut (suliffeqarfiit) qanimut suleqatigalugit/isumasioqatigalugit nunaminertamik atuinissami aaqqiissutissanik naaperiuteqarsinnaaneq paaseqatigiiffiunerusoq anguneqarsinnaasoq.

Isumaqarama torersumik atuisut isumaannik tusarniaaneq ileqqorissaarnerusoq akuutitsinerusorlu, soorlu aamma tamanna partiit anguniagarigaat.”

Siunnersuut qanoq aningaasaliiffigineqassava?

Ingerlatsiviup iluani aningaasaliinikkut.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimut ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutininik saqqummiussisinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu

- aalajangernissaanut inatsisitigut aalajangersakkat qaqugukkulluunniit malinneqartussaataitaasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3: Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq.

Ilanngussat
Soqanngilaq.

Punkt 9: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:55.